



Fylkesmannen i Hordaland

Sakshandsamar, innvalstelefon
Tom N. Pedersen, 5557 2119

Vår dato
01.07.2016
Dykkar dato

Vår referanse
2016/8406
Dykkar referanse

Marine Harvest Norway AS

Rapport frå tilsyn 17. juni 2016 ved Marine Harvest Norway AS sitt settefiskanlegg på lokaliteten Kvinge S i Masfjorden kommune

Rapportnummer: 2016.003.I.FMHO

Kontaktpersonar ved inspeksjonen:

Frå verksemda:
Håvard Hustoft
Kristine Bringslid

Frå Fylkesmannen i Hordaland:
Henriette Ludvigsen
Tom N. Pedersen

Resultat frå inspeksjonen

Denne rapporten omhandlar avvik og merknader frå inspeksjonen. Dersom vi ikkje får melding om faktiske feil i rapporten innan to veker etter at rapporten er motteken, er rapporten endeleg.

Fylkesmannen i Hordaland fann 3 avvik innan følgjande tema under inspeksjonen:

- vilkår i utsleppsløyvet
- internkontroll for ytre miljø

Avvika er nærare omtalt frå side 3 og utover i rapporten.

Marine Harvest Norway AS må sende ei skriftleg stadfesting innan 30. september 2016 på at avvika er retta. Oppfølginga etter inspeksjonen er nærare omtalt på side to.

Henriette Ludvigsen
overingeniør

Tom N. Pedersen
seniorrådgjevar

Rapporten er godkjent elektronisk og har derfor inga underskrift.

Kopi til: Masfjorden kommune

1. Informasjon om verksemda

| | |
|---|--------------------------------------|
| Namn: Marine Harvest Norway AS | Risikoklasse: 3 |
| Besøksadresse: | |
| Postadresse: Postboks 4102 Sandviken, 5835 Bergen | |
| E-post: havard.hustoft@marineharvest.com | Telefon: 56 36 56 00 |
| Kommune: Masfjorden | Organisasjonsnr.: 959 352 887 |
| Bransjenr. (NACE-kode): 03.212 Produksjon av yngel og settefisk i hav- og kystbasert fiskeoppdrett | Eigar (org.nr.): 959 352 887 |
| Løyve sist oppdatert: 10. september 2014 | Siste tilsyn: 10. mai 2008 |

2. Bakgrunnen for inspeksjonen

Inspeksjonen vart gjennomført for å kontrollere om gjeldande krav fastsett i eller i medhald av forureiningslova med forskrifter blir haldne. Fylkesmannen i Hordaland har som mål å ha gjennomført tilsyn på alle settefiskeanlegga i fylket i løpet av ein fem-årsperiode. Siste tilsyn på Kvinge S var i 2008. Marine Harvest Norway AS fekk nytt utsleppsløyve på lokaliteten Kvinge S i september 2014.

Følgjande hovudtema vart kontrollert:

- miljømål
- miljørisikovurderingar
- resipientgranskingar
- utsleppskontroll
- drift og førebyggjande vedlikehald av anlegget
- avvikshandtering
- farleg avfall
- krav i utsleppsløyve datert 10. september 2014

3. Oppfølging etter kontrollen

Verksemda pliktar snarast å rette opp avvika som er omtalt i denne rapporten. For at Fylkesmannen skal kunne avslutte saka, må de innan 30. september 2016 sende ei skriftlig tilbakemelding med dokumentasjon som viser korleis avvik er retta, gjerne med bildedokumentasjon.

Varsel om tvangsmulkt

Dersom vi ikkje får tilbakemelding med dokumentasjon på at avvika er retta innan 31. desember, vil Fylkesmannen fatte vedtak om tvangsmulkt, jf. forureiningslova § 73.

Vedtaket vil gå ut på at tvangsmulkt må betalast dersom Fylkesmannen ikkje har fått skriftleg stadfesting på at avvika er retta innan fristen.

Ei eventuell tvangsmulkt vil vere på 50.000 kroner.

Verksemda kan kommentere dette varselet. Eventuelle kommentarar må sendast til Fylkesmannen innan to veker etter at denne rapporten er motteken, jf. forvaltningslova § 16.

4. Kontrollgebyr

Som varsla under tilsynet skal Marine Harvest Norway AS betale gebyr for kontrollen, jf. forureiningsforskrifta § 39-6. Verksemda er i løyvet plassert i risikoklasse 3. Dette betyr at de skal betale 12.500 kroner for den gjennomførte inspeksjonen. Faktura blir ettersendt frå Miljødirektoratet.

5. Offentleggjering

Denne rapporten vil vere tilgjengeleg via Miljødirektoratet si nettstad Norske Utslipp på www.norskeutslipp.no, jf. offentleglova.

6. Dokumentunderlag

- forureiningslova
- forureiningsforskrifta
- avfallsforskrifta kapittel 11 om farleg avfall
- internkontrollforskrifta
- utsleppsløyvet datert 10. september 2014
- dokumentasjon som verksemda la fram under tilsynet

Informasjon om regelverket finn de på www.miljodirektoratet.no og www.regelhjelp.no.

Definisjonar

- **Avvik:** brot på krav fastsett i eller i medhald av helse-, miljø- og sikkerheitslovgjevinga (for eksempel brot på krav i forureiningslova, produktkontrollova og forskrifter heimla i desse lovene eller krav og vilkår fastsett i løyve eller dispensasjonar).
- **Merknad:** eit forhold som miljøvernstyresmaktene meiner det er nødvendig å påpeike for å ivareta helse og miljø og som ikkje er omfatta av definisjonen for avvik.
- **Andre forhold:** Saker som framkom under inspeksjonen og som kan vere nyttig for verksemda å vite om. Her kan også tema som vart diskutert under inspeksjonen inngå, men der det ikkje blei gitt avvik eller merknader.

7. Avvik

Vi fann følgjande avvik under inspeksjonen:

Avvik 1: Verksemda driv ikkje i samsvar med løyvet

Avvik frå:

- Utsleppsløyvet datert 10. september 2014

Kommentarar:

A Punkt 3.2.3 Reinseanlegg: Før utslepp til resipienten skal avløpsvatnet reinsast gjennom eit reinseanlegg som oppfyller reinsekrava i tabell 1 under, midla over den samla årsproduksjonen av avfallsstoff. Kravet om reinsing skal vere oppfylt *innan utvida produksjonsramme vert tatt i bruk*.

B Punkt 11.1 Utsleppskontroll: Verksemda skal gjennomføre målingar og utrekningar av utslepp til vatn, jf. tabell 2 i vilkår 3.2.3. For utslepp til luft og støy må målingar eller utrekningar gjennomførast ved behov eller etter særskilt krav frå Fylkesmannen.

C Punkt 11.2 Måleprogram og berekning av utslepp

Verksemda skal ha eit måleprogram som inngår i den dokumenterte internkontrollen. Verksemda kan gjere avtale med Fylkesmannen om alternative metodar for berekning av utsleppa.

D Punkt 12.2 Krav til overvaking

Verksemda skal syte for overvaking av effektar av utsleppa til sjø etter eit risikobasert overvakingsprogram. Miljøovervakinga skal i størst mogleg grad skje i samsvar med nasjonale standardar, og føringar i vassforskrifta og Miljødirektoratet sin rettleiar for klassifisering av miljøtilstanden i vatn.

Tilstanden i resipienten må kartleggjast og klassifiserast *minst* kvart 5. år. Førstkomande overvakeringsrunde skal gjennomførast seinast innan 1. juli 2015.

Avviket er basert på følgjande observasjonar

Punkt A: Det er eit krav i utsleppsløyvet frå september 2014 at Marine Harvest Norway AS skulle ha etablert reinsesystem med slamoppsamling når produksjonen ble større enn rammene i det gamle løyvet ga rom for. Produksjonen i 2015 var større enn det tidlegare løyvet.

Punkt B og C: Det er ikkje gjort målingar i tråd med kravet i utsleppsløyvet som, anten ved måling eller utrekning, syner kor store utsleppa har vore. Marine Harvest Norway AS har heller ikkje kontakta Fylkesmannen for å klargjere korleis dei kan dokumentere utsleppa.

D: Utsleppsløyvet sette krav om gjennomføring av resipientgransking innan 1. juli 2015. Slik gransking er ikkje blitt gjort.

Avvik 2: Miljømål

Avvik frå:

- Forskrift om systematisk helse,- miljø og sikkerhetsarbeid i virksomheter (internkontrollforskrifta) § 5 2. ledd punkt 4.

Kommentarar til regelverket

Det skal setjast miljømål for anlegget som er lokalitetsspesifikke. Miljømåla skal vere konkrete og det skal vere mogleg å evaluere om måla er nådde eller ikkje.

Avviket er basert på følgjande observasjonar

Marine Harvest Norway AS har sett miljømål for lokaliteten Kvinge S som ikkje er anleggsspesifikke eller målbare. Leiinga vil ikkje kunne evaluere om verksemda sine miljømål om ikkje å forureine resipienten på ein akseptabel måte er nådd.

Avvik 3: Miljørisikovurderingar

Avvik frå:

- Forskrift om systematisk helse,- miljø og sikkerhetsarbeid i virksomheter (internkontrollforskrifta) § 5 2. ledd punkt 6.

Kommentarar til regelverket

Verksemda sine risikovurderingar av forureiningsfare og effektar av kjemikaliebruk i resipienten skal vere konkrete, dokumenterte og anleggsspesifikke.

Avviket er basert på følgjande observasjonar

Marine Harvest Norway AS har laga ei risikovurdering felles for alle anlegga. Dette fører til at det er sett lik konsekvens av eit utslepp for alle anlegga. Dette blir ikkje rett, då konsekvensane av eit utslepp vil vere kopla til eigenskapane ved resipienten, både i høve til forureining og naturmangfald. Konsekvensvurderingane må tilpassast kvar einskild lokalitet.

8. Merknader

Fylkesmannen har ikkje gitt merknader ved tilsynet.

9. Andre forhold

Marine Harvest Norway AS har i sin internkontroll skilt mellom ytre miljø og helse og tryggleik. Samstundes blir omgrepet HMS nytta om den delen som berre gjeld helse og tryggleik. Føremålet med internkontrollforskrifta er at verksemdene skal gjennomføre systematisk arbeid med arbeidsmiljø og tryggleik, førebygging av helseskade og vern av ytre miljø mot forureining. At Marine Harvest Norway AS har skilt ut ytre miljø ut som eige innsatsområde, treng ikkje betyr at dette blir nedprioritert, men vi meiner forskrifta er klar på at det skal vere eit heilskapleg arbeid på dette feltet.